



Projet promovût di 'Il Friuli' e 'ARLeF'

MAMAN

la VÔS dai FURLANS

Lu saveviso che...?



Lu savevistu che e esist une plantute che e je il simbul dal Nadâl?

Si clame "Stele di Nadâl" e la liende e conte che une frute che e viveve in Messic, e jere cussì puare che no veve nuie ce puartâ al Bambinut a pene nassût. Un agnul, rivât a consolâle, i disè: "No sta a avilîti! Cjape sù cualchi frascje tai fossâi, tu viodarâs che il to regâl al sarà il plui biel, parcè che al è stât fat cun amôr".

E cussì, intant che e preave, la frutine no podeve crodi tal viodi che lis frascjis a jerin diventadis une plante maraveose plene di flôrs ros a forme di stele.



CJANTIN INSIEMI

"Di lontan dongje des stelis, une slite cu lis renis, a son vuidadis di un siorut grant e grues e un pôc stracut!..."

Cjantin insiemi "Barbe Nadâl". Scoltî la cjançon su



RIDI A PLENE PANZE!

Cuâl isal il colm par Barbe Nadâl? Lâ in feris su la Isule di Pasche.

PITURE IL DISSEN

CUMÒ FÂS TU! JUDE BARBE NADÂL A CJATÂ I BISCOTS!



Vuelistu tornâ a viodi lis pontadis di Maman! ? Cirilis su

Cjale lis gnovis pontadis su **telefriuli**



Vinars aes 18.30, e in repliche domenie aes 7.00 e aes 13.00

STELIS E LUSIGNIS Noa



Roc. Viôt di vê plui cure dal to cuarp. Tal lavôr sclarissiti cui coleghis suntune cuistion che e je restade ingropade.



Gjambar. Sta plui dongje a fradis e amis parcè che a podarressin dâti il consei just.



Balance. Tu preferissis no fevelâ cun chei altris dai tiei problemis, no je la strade plui comude.



Bec di mont. Tu sês sflandorôs, plui tal lavôr che tal amôr, ma l'an che al ven dut al cambie.



Taur. In amôr tu stâs une vore ben cun cui che tu âs dongje. Chest ti fâs vivi in ligrie.



Leon. No stâ a cirî lusignis e reste cui pîts par tiere, come che tu âs za fat timp indaûr.



Sgarpion. Tal lavôr tu rivis a meti in pratiche lis tôs cognossincis e i coleghis ti disin gracie.



Agariûl. Il cjâf al svole indaûr tal timp, tu ti impensis di personis che no tu viodis di un pieç: e je ore di clamâlis.



Zimui. Tu stâs frontant cuistions une vore griviis in famee, no stâ a imponi masse il to volê.



Vergjine. Tal lavôr tu stâs frontant cuistions imberdeadis, ma tal amôr e je dute une altre musiche.



Sagjitari. Lis stelis no ti judin e dentri di te ti fasin ingrumâ une vore di pinsîrs bruts.



Pes. La int par denant ti riduce e par daûr e fevele mâl di te, no stâ a cjapâte e mostre di jessi plui fuart di duç.

LIS IMAGINS SON GAVADIS FOR DI HTTPS://JTFREEPK.COM - HTTPS://ARLEF.IT/

Pagjine curade dal Sportel Regjonâl pe Lenghe Furlane de

ARLeF AGJENZIE REGIONÂL PE LENGHE FURLANE